



The Place to Be Bin y Pasa Bon

Santa Cruz 48
Tel: 585-5099

Yiu di nos Libertador, Betico Croes, Guisette Croes:

E aña aki ta e aña oportuno pa devela e estatua di nos Libertador, Betico Croes

STA. CRUZ – Den un entrevista cu yiu muher di nos lider inmortal, Betico Croes, Guisette, ta enfatiza cu ta un honor, un orguyo y sinceramente ta yen'e cu hopi emocion cu por fin un proyecto cu a tuma sigur su 10 aña pa wordo realiza, por fin diasabra lo wordo cristaliza, specialmente como regalo na pueblo di Aruba, na esnan cu semper a lucha cu Betico, esnan cu a para schouder cu schouder cu Betico, pa por a logra y realiza e anhelo di nos pueblo, cu ta e Status Aparte.

Aunke cu a tarda basta tempo pa realiza esaki, segun Guisette cu tabata mas bien falta di consensus cu Fundacion Betico Croes, cual e ta comprende, nan motivación, nan sentimentonan, a pesar cu nan tambe tabata di acuerdo cu mester bin un estatua mas grandi, nan tambe no lo tabata kier pa pasa cu e estatua chikito, locual cu a pasa cu e grandi, cu a keda drumi. Pero en todo caso por fin esey no ta un problema mas y e estatua di Fundacion Betico Croes sigur tambe ta bay haya su lugar mereci, na Santa Cruz, den e pueblo natal di Betico y mihor ainda, na cas di su tata, sr. Panchico, cu pronto lo bira un museo. Kier meen cu el'a cay net bon den otro. Pa bisa verdad, tin cosnan ta pasa pa un motibo y según su opinion, cu achteraf mira, no tin un aña mas oportuno

pa devela e estatua nobo di nos libertador, e aña cu nos ta celebra 20 aña di Status Aparte, 30 aña di Himno y Bandera y cu na November nos lo ta recordando 20 aña di fayecimento di Betico.

Guisette ta sigui bisa: "Tur cos ta pasa pa un motibo den bida, aunke den e momento ey bo no ta waak'e, aunke cu e mester a pasa, pasobra e mester a wordo devela e aña aki". Minister Ramon Lee ta e motor tras di e realizacion di e proyecto aki. Ya for di aña pasa e tabata kier a hacie, pero tampoco no por a logre.

"Mi ta pasa tur dia riba Plaza pa mi waak y mi ta sinti hopi great, mirando tur esnan cu tin aprecio grandi pa mi tata. E estatua ey a drumi sigur 8 aña bao di mi bentana di kamber, como fuera mi a coy un cariño pa e estatua eynan, manera cu ta mi tata ta compaña mi eynan mes. Dia cu nan a bin buske mi tabata tin sentimentonan mixto, unavez cu nan a bay cune y mirando riba e plaza, bo no por imagina e sentimento, e emocion cu a dreñami e momento ey pasobra cu por fin, danki na Minister Ramon Lee e proyecto aki ta wordo realiza diasabra awor.

Definitivamente nos lo bay t'ey na Plaza. Lamentablemente pa e proximo weekend cu ta esun di celebracion di 18 di Maart nos ningun lo ta na Aruba, pa motibonan familiar, pero en todo caso,

mi tin cu gradici Minister Ramon Lee cu ta teniendo cuenta cu esey y cu el'a percursa pa e develo tuma lugar e weekend aki pa asina nos como yiunan, mi mama y nietonan por ta presente. Esey ta hopi di aprecia."

Den e mesun rosea, Guisette ta gradici henter e Pueblo

di Aruba, tur esnan cu a yuda di un manera of otro, Fundacion Dianan Nacional y tambe Minister Ramon Lee, kende tabata e motor tras di e proyecto aki.

Por ultimo Guisette kier a gradici su mama, kende a inculca nan for di un principio pa bin cu e estatua

y mirando e develo di e estatua di Simon Bolivar a bringa pa a bin cu un estatua mas grandi pa Betico.

Tambe Guisette Croes ta invita henter e pueblo di Aruba pa bin presencia acto di develo di e estatua nobo di Betico.